

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE

Broj: 01-05-4-1477-2/17

Datum: 03.07.2017. godine

## **Z A P I S N I K**

**SA 9. SJEDNICE OPĆINSKOG VIJEĆA TEŠANJ, ODRŽANE  
DANA 30.06.2017. GODINE (petak), S POČETKOM U 15,30 SATI,  
U SALI OPĆINSKOG VIJEĆA TEŠANJ**

**Sjednici prisustvovalo 20 vijećnika.**

Odsutni: Hasanbašić Senad, Deljković Nermin, Pašić Danijel, Hodžić Enes, Jašić Haris (najavili odsustvo)

Vijećnik Hrnjić Muris prisutan od 16,20 sati,

Ranije napustili sjednicu vijećnici: Alić Hajrudin u 16,15 sati, Piro Amir u 16,20 sati

GOSTI: g-din Siniša Ubiparipović Predstavnik Projekta "MEG" UNDP

**Sjednici prisustvovali:** Općinski načelnik Suad Huskić sa saradnicima.

### **SREDSTVA JAVNOG INFORMISANJA:**

Predstavnici TV "Smart".

Elektronsko glasanje, vremensko praćenje diskusija i zapisnik vodi Sajda Klepić.

Sjednicom predsjedava predsjedavajući Vijeća g-din Senad N. Subašić.

Nakon prijave vijećnika, Predsjedavajući Vijeća je konstatovao da današnjoj sjednici Vijeća prisustvuje 19 vijećnika, čime su se stekli uslovi za punovažno odlučivanje, otvorio 9. sjednicu Vijeća i proglasio je javnom, te u ime Vijeća i u svoje lično ime pozdravio prisutne goste i predstavnike medija.

### **Ad. A**

Općinsko vijeće je sa 17 glasova "ZA", bez glasova "PROTIV" i 2 glasa "UZDRŽAN" usvojilo sljedeći

### **ZAKLJUČAK**

Usvaja se Zapisnik sa 7. sjednice Općinskog vijeća Tešanj.

### **Ad.B**

Općinsko vijeće je sa 14 glasom "ZA", bez glasova "PROTIV" i 2 glasa "UZDRŽAN" usvojilo sljedeći

### **ZAKLJUČAK**

Usvaja se Zapisnik sa 8.(tematske) sjednice Općinskog vijeća Tešanj.

### Dnevni red

Općinsko vijeće je sa 18 glasova "ZA", bez glasova "PROTIV" i "UZDRŽAN" usvojilo sljedeći

#### **DNEVNI RED**

1. Predstavljanje Projekta općinskog okolišnog i ekonomskog upravljanja MEG – UNDP –
2. Prijedlog Odluke o realizaciji projekta vodosnabdijevanja "Vodovod Tepe-Hrvatinovići",
3. Prijedlog Odluke o izmjeni i dopuni Odluke o iznosu priključka na vodovod "Pousorje",
4. Prijedlog Odluke o izmjeni Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2017. godini,
5. Prijedlog Odluke kojom se odobrava, radi izgradnje trafo stanice, prodaja neposrednom pogodbom nekretnine u vlasništvu Općine Tešanj,
6. Prijedlog Odluke o raspolaganju nekretninama Općine Tešanj koje su u evidenciji o zemljištu upisane na mjesne zajednice,
7. Prijedlog Odluke o izmjeni Odluke o ustupanju prava korištenja na zgradi za Poreznu upravu u Tešnju,
8. Prijedlog Odluke o dopuni Odluke o korištenju javnih površina,
9. Prijedlog Rješenja o imenovanju članova drugostepene komisije za rješavanje po žalbama protiv rješenja općinskih organa uprave.

#### **Ad. 1**

Uz prezentaciju, g-din Siniša Ubiparipović, predstavio je Projekat općinskog okolišnog i ekonomskog upravljanja MEG – UNDP.

#### **Ad. 2**

Pomoćnik Načelnika Sabahudin Omerbašić je dodatno obrazložio Prijedlog Odluke o realizaciji projekta vodosnabdijevanja "Vodovod Tepe-Hrvatinovići".

Općinsko vijeće je sa 19 glasova "ZA", bez glasova PROTIV" i "UZDRŽAN" usvojilo sljedeći

#### **ZAKLJUČAK**

Usvaja se Prijedlog Odluke o realizaciji projekta vodosnabdijevanja "Vodovod Tepe-Hrvatinovići".

#### **Ad. 3**

Pomoćnik Načelnika Sabahudin Omerbašić je dodatno obrazložio Prijedlog Odluke o izmjeni i dopuni Odluke o iznosu priključka na vodovod "Pousorje".

U raspravi učestvovao vijećnik Solo Fahir.

Općinsko vijeće je 17 glasova "ZA", bez glasova "PROTIV" i 1 glasom "UZDRŽAN" usvojilo sljedeći

#### **ZAKLJUČAK**

Usvaja se Prijedlog Odluke o izmjeni i dopuni Odluke o iznosu priključka na vodovod "Pousorje".

#### Ad.4

Pomoćnik Načelnika Hamzaliya Hojkurić je dodatno obrazložio Prijedlog Odluke o izmjeni Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2017.godini.

U raspravi učestvovao vijećnik Vedran Kaser, Hrnjić Muris, Subašić Senad i Općinski načelnik.

Na prijedlog vijećnika Kaser Vedrana, Općinsko vijeće je 17 glasova "ZA", bez glasova "PROTIV" i "UZDRŽAN" usvojilo sljedeći

#### ZAKLJUČAK

Da se u 2018.godini kroz Program novčanih podsticaja za unapređenje poljoprivredne proizvodnje na području općine Tešanj sagleda mogućnost uvrštavanja poticaja za proizvođače bundeva.

Općinsko vijeće je 18 glasova "ZA", bez glasova "PROTIV" i "UZDRŽAN" usvojilo sljedeći

#### ZAKLJUČAK

Usvaja se Prijedlog Odluke o izmjeni Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2017.godini.

#### Ad. 5

Bez rasprave, Općinsko vijeće je sa 18 glasova "ZA", bez glasova "PROTIV" i "UZDRŽAN", usvojilo sljedeći

#### ZAKLJUČAK

Usvaja se Prijedlog Odluke kojom se odobrava, radi izgradnje trafo stanice, prodaja neposrednom pogodbom nekretnine u vlasništvu Općine Tešanj.

#### Ad. 6

Pomoćnik Načelnika Azra Muslija je dodatno obrazložila Prijedlog Odluke o raspolaganju nekretninama Općine Tešanj koje su u evidenciji o zemljištu upisane na mjesne zajednice.

U raspravi učestvovao vijećnik Kaser Vedran.

Općinsko vijeće je sa 16 glasova "ZA", bez glasova "PROTIV" 1 glasom "UZDRŽAN", usvojilo sljedeći

#### ZAKLJUČAK

Usvaja se Prijedlog Odluke o raspolaganju nekretninama Općine Tešanj koje su u evidenciji o zemljištu upisane na mjesne zajednice.

#### Ad. 7

Općinski načelnik je dodatno obrazložio Prijedlog Odluke o izmjeni Odluke o ustupanju prava korištenja na zgradi za Poreznu upravu u Tešnju.

U raspravi učestvovao vijećnik Subašić Senad.

Općinsko vijeće je sa 18 glasova “ZA”, bez glasova PROTIV”, i “UZDRŽAN” usvojilo sljedeći

#### ZAKLJUČAK

Usvaja Prijedlog Odluke o izmjeni Odluke o ustupanju prava korištenja na zgradi za Poreznu upravu u Tešnju.

#### Ad. 8

Bez rasprave, Općinsko vijeće je sa 18 glasova “ZA”, bez glasova PROTIV” i “UZDRŽAN” usvojilo sljedeći

#### ZAKLJUČAK

Usvaja se Prijedlog Odluke o dopuni Odluke o korištenju javnih površina.

#### Ad. 9

Bez rasprave, Općinsko vijeće je sa 17 glasova “ZA”, 1 glasom “PROTIV”, bez glasova “UZDRŽAN” usvojilo sljedeći

#### ZAKLJUČAK

Usvaja se Rješenje o imenovanju članova drugostepene komisije za rješavanje po žalbama protiv rješenja općinskih organa uprave.

#### Ad.B

### VIJEĆNIČKE INICIJATIVE

**Vijećnik Jupić Mirano** je postavio sljedeću vijećničku inicijativu: „Da nadležna Općinska služba pokrene postupak postavljanja znakova upozorenja vozačima drumskih vozila na prisustvo pješaka i biciklista na regionalnom putu Novi Šeher-Tešanj.“

**Vijećnik Kaser Vedran** je postavio vijećničku inicijativu: „Da plaće direktora JU i JP općine Tešanj i plaća Općinskog načelnika Tešanj ne može biti veća od tri prosječne plaće na općinskom nivou.“

**Vijećnik Hrvić Vahdet** je postavio sljedeću vijećničku inicijativu:

„U članu 21.Odluke o provođenju izmjena i dopuna prostornog plana općine Tešanj, dodati novi stav koji glasi: „Uslovi za izgradnju kuće za odmor su isti kao i uslovi za gradnju stambenih objekata ali bez ograničenja u smislu ograničenja udaljenosti od putnih komunikacija, kao i ograničenja da iste moraju biti izgrađene u urbanoj zoni.“

Te u članu 7. Odluke o provođenju izmjena i dopuna prostornog plana općine Tešanj, stav \_\_, dopuniti riječima „i da nije u suprotnosti sa zaštitnim zonama“, nakon čega bi stav\_\_ člana 7.glasio: „Izgradnja se dozvoljava i uz magistralne, regionalne, lokalne i nekategorisane ceste u širini od 100 m mjereći od spoljne ivice ceste, a da ne ugrožava zaštitni pojas puta i da nije u suprotnosti sa zaštitnim zonama.“

**Vijećnik Kurtić Amir** se izjasnio da je zadovoljan odgovorom Općinskog načelnika na inicijativu u vezi pokretanja Projekta istraživanja prošlosti Tešanjskog kraja i postavio novu sa obrazloženjem da će istu dostaviti u pismenoj formi.

## VIJEĆNIČKA PITANJA

**Vijećnik Jupić Mirano** je postavio vijećničko pitanje: „Na koji način nadležne Općinske službe su reagovale, kada je u pitanju učestalo spaljivanje nepoznate materije na području MZ Bobare – MZ Piljužići? Jesu li nadležne Općinske službe, poduzele konkretne aktivnosti u utvrđivanju počinioca navedenih radnji, te adekvatno sankcionisanje istoga?“


**Vijećnik Kaser Vedran** je postavio sljedeća vijećnička pitanja:

1. Da li Općinski načelnik Tešanj i nadležne službe imaju informaciju o posljedicama miniranja koje se desilo 14.06.2017.godine i da li je miniranje izvršeno u skladu sa utvrđenim zakonskim propisima?
2. Po kojoj i čijoj odluci su raskinuti ugovori sa sekretarima MZ u MZ Mrkotić i Vukovo?
3. Ko je zadužen za postavljanje transparenta kada se čestitaju praznici u Tešanj, Jelahu i Tešanjci i zašto ovog Ramazana nije bilo čestitke u Jelahu?

Nakon toga, predsjedavajući Vijeća se svima zahvalio na prisustvovanju današnjoj sjednici i zaključio rad devete sjednice Općinskog vijeća Tešanj u 16:52 h.

**ZAPISNIČAR:**

Sajda Klepić



**PREDSJEDAVALJUĆI VIJEĆA**  
Senad N. Subašić, dipl.oec.

